

四庫全書

集部

欽定四庫全書

宋詩鈔卷八十三

內閣中書舍人吳之振編

樓鑰攻媿集鈔

樓鑰字大防自號攻媿主人鄞人也登第歷太府宗
正寺丞出知溫州光宗初累擢中書舍人遷給事中
奏留朱子時論避之進吏部尚書以顯謨閣學士奉
外祠奪職韓侂冑誅復官兼翰林侍講年過七十精

敏絕人詞頭下立進草院吏驚詫除端明殿大學士
位兩府五年進資政殿大學士卒贈少師謚宣獻詩
雅贍有本然往往浸淫於禪禪學之傳莫熾於四明
當時老宿如攻媿已不能辨矣

題龍眠畫騎射抱毬戲

綠楊幾枝揔平沙柔梢裊裊隨風斜紅綃去地不及尺
錦袍壯士斫髻射橫磨箭鋒滿分靶一箭正截紅綃下
前騎長纓抱綉毬後騎射中如星流綉毬飛硯最難射

十中三四稱為優元豐策士集英殿金門應奉人方倦
日長因過衛士班飛騎捎雲人馬健駕幸寶津知有日
窮景馳驅欣縱觀龍眠曾中空萬弩駭目洞心千萬變
追圖大槩寫當時至今想像如新見靜中似有叱咤聲
墨淡猶疑錦繡眩間牕撫卷三歎息十紀邊塵暗畿甸
安得士馬有如此長驅為決單于戰

題羅春伯所藏修楔圖序

東遊登會稽祇見蘭亭不見碑非過中山府欲訪此碑

不知處間從故家看墨本如此二者絕難遇曾經耶律
璫裏去至今邊地猶知慕時將一二餽北使持歸往往
快先覩不知玉石真在否要比江南終近古他日縛取
邊民作編戶勒銘歸來過定武只問君王乞此碑打向
人間莫論數

題孟東野聽琴圖因次其韻

誰歟住前溪夜浚胡琴鳴天高豪氣肅月斜映疎星橡
林助蕭瑟泉聲激琤琤彈者人定佳能使東野聽東帶

不立朝遙夜甘空庭龍眠發妙思神交窮杳冥不見彈
琴人畫出琴外聲郊寒凜如對作詩太瘦生恨不從之
游撫卷空含情

月夜泛舟姚江

秋暑不可耐幾思泛中川晚來興有逋溪船偶及門涼
月纔上弦平潮可黃昏倚楫縱所如卧看龍泉山長虹
跨空濶過之凜生寒坐穩興益佳夜氣方漫漫草蟲鳴
東西飛鳥相與還仰頭數明星垂手搖碧瀾坐客惜此

景不及攜清樽無酒要不惡徜徉足幽歡幽歡有何好
叩舷澹無言

求仲抑招遊山歸途遇雨

竹輿遶湖濱宿露尚厭浥徑到玉岑下坐久客始集起
穿靈石山萬松介而立梅天氣清潤空翠行可挹古藤
幾百年枝蔓兩山及見說暮春時花紫紅熠熠直疑老
潛虬初起夜來蟄俯玩歲寒泉齒冷不敢吸相將上龍
泓塵鞅謝羈馮洞有靈獸居臨溪心岌岌魚遊明鏡中

巨浪無三級寒苔載水去萬頃潤原隰濛濛山雨來歸
僕鳥飛急野興殊未已日晏不暇給衝泥上湖船雨陣
遽奔襲飄風將急點回旋驚四入中流蓋蕩兀短篷不
當笠停篙亦久之怒勢不少戢我徒方嘯歌弗為改豪
習但恥餅壘罄莫問衣裳濕

吳江舟中

阿連久矣共一被小別愁生無夜寐風帆將我上征途
回首江山日千里小舟橫卧吳江水夢回依約蕭齋裏

五更漏急月黃昏鳥散一聲人未起

靈碧道傍怪石

飽聞茲山產奇石東南寶之如尺璧誰知狼籍亂如麻
往往嵌空類鏡刻長安東南萬歲山搜抉珍怪窮人間
汴流一舸載數輩徑上艮嶽增孱顏當時巧匠斲山骨
寘之汗缺高突兀千戈動地烟塵飛坐使奇材成棄物
君不見黃金橫帶號神運不數臺城拜三品只今零落
荒草中萬古淒涼有遺恨木人漂漂不如土坐閱興亡

知幾許行人沉嘆馬不前石雖不言恐能語

石門洞

扁舟百里連城回青山中斷立兩崖清都虎豹隱不見
但見閭闔排雲開峰回失喜大飛瀑聲震萬壑驚春雷
掀髯目及九霄外玉虹千丈飛空來一冬青女靳天雪
不如聚此山之隈傳聞神龍卧其上寶藏擊碎真瓊瑰
胷中先自無塵埃到此更覺心崔嵬天風為我喚空翠
春水瀉入騷人懷謫仙曾來寫勝句劉郎又為開天台

我慚筆無挽牛力醉墨滿壁誰為裁或言龍湫更奇絕
佳山高處淡雲槐我方攜筇往尋訪未知此何如哉

大龍湫

北上太行東禹穴鴈蕩山中最奇絕龍湫一派天下無
萬衆贊揚同一舌行行路入兩山間踏碎苔痕地將折
山窮路斷脚力盡始見銀河落雙闕矩羅宴坐看不厭
騷人弄詞困搜扶謝公千載有遺恨李杜復生吟不徹
我游石門稱勝地未信此湫真卓越一來氣象大不侔

石屏倚天驚鬼設飛泉直自天際來來處益高聲益烈
漢地倒瀉三峽流到此誰能定優劣雁山佳趣須要領
一日盡游神惡褻驪龍高卧喚不應自愧筆端無電掣
輪囷瀟索湍不怒非霧非煙亦非雪我聞凍雨初霽時
噴擊生風散空濶更期雨後再來看淨洗一生煩惱熱

次韻翁處度同遊北山

兩夫持鐮行我先巧尋徑路其智專我扶枯藤衣短後
意氣已出層峰巔何郎鮑叔飽經歷勝處一手自編

我攜舊記訪陳迹正恐急景不得延固當共登青雲梯
今日邀我共擊鮮始觀神龜闖青泚上有石壁來飛泉
隱青遺基平可坐下顧亂石如磨鋌懸崖雙瀑灑空雪
來自一握孤雲天却從下流沂溪險崎嶇直到清潭邊
朝陽射光破幽閤斷虹上下遮潺湲傳聞高山更高處
雅有行路從西偏同行無乃溪好事盃酒自攜脚力全
誅鋤荆棘從鳥道欲進不得意愈堅旋呼童僕累危石
笑採野菊聊盤旋捫蘿騰身上苔磴往往歡呼爭著鞭

側行危步汗決背石角或使衣裳褰少焉身在雙瀑上
又見高派衝泓淵自笑泉石成膏肓愛賞不減蟻慕羶巉
巖數峰巧遮護妙處二老初無傳脫迹塵埃到此地便
覺神思飄飄然回首江南塵一聚城郭歷歷眼欲穿相
期更看水流處步履未倦夸輕翩一上千尺窮山椒碧
澗靡迤流蒼煙尋源不能且望返石猊巍距驚神鑄退
求歸徑惘難問藤蘿所在相縈纏我方踟躕風煙表披
披衣袂身欲仙晚歸招提各痛飲讀盡屋壁長短篇截

筒環山覽清駛竅出珠穗心亦憐基平相與論瓜葛橫
琴不妨揮五絃人生易老費扶掖勝具大率須少年伊
余歷聘佳山水愛奇竊慕太史遷明年炎暑襲故步與
君共枕清流眠

哭王知幾墓

知幾少也爽萬事笑談了自謂頗寡合見我輒傾倒百
年能幾見一別迹如埽父子俱埋壁烏乎何其早向來
論文酒和淚傾宿草此意誰復知寤歎令人老

次韻胡元甫茉莉花

殘暑未盡秋欲來
玉刻萬葉瓊英開
孤標雅韻一枝足
江上紫翠空成堆
素娥常與明月約
青女細把輕綃裁
主人好事趁時買
買真此地真宜哉
墻間閒地方丈所
幾年累甃裝層臺
春花秋卉方互發
胡葵芍藥參徘徊
眼明忽見此奇絕
第畜素馨兄事梅
夜淡飛香性幽獨
未許蜂蝶來相陪
糖甕封餘有閩玉
會須埽取添花栽
吾聞閩山千萬木
人或視此齊蒿萊
何如航海上天關

玉色照映琉璃杯
新涼徙倚看不足
坐見日影歎庭槐
送王仲矜倅興元

蜀道難難於上青天
蜀道易易於履平地
蜀山天險固自若
視難為易在人爾
王尊真有四方志
叱馭行經了無累
早登岷峨任陰城
談笑動行千萬里
漢中由來說雞肋
意謂棄之為可惜
君今此去良似之
更欲遠遊尋故迹
漢都南鄭啓炎圖
秦置石中山徑闢
淮陰拜將餘高臺
武侯墓處空松柏
大笑出門何慨慷
天涯離愁各

盡觴荷君走馬却送我李侯參語夜未央君方往蹈功名機何止別駕歌王祥先正九年遺愛在更遺故笏訪

甘棠

仲矜象簡乃參政入蜀時所用

送王木叔推官分韻得錦字

王郎天下士中和自生稟澹然初無營見者輒斂衽幕中資婉畫處事極精審與人如恐傷律已淵冰懔深恐馬駛輿要使鴟食甚一寸憂國心幾年不甘侵此意大未酬退靜若已甚使之行所學庶幾人奠枕向來孰間

之未免斯立噤川咏而雲飛賴有東陽沈露章極推轂
分韻句裁錦風流有如許不復歎蹕蹕如君豈蓬蒿人
物妙流品才應奉香火為養謀祿廩與君幸瓜葛心交
今十稔豈惟我惜別行道情萑苳紅蓮色何似翠柏風
愈凜願君疎藥裏一意護茵餌棄鼎寶康瓠浮名如拾
藩行矣無多言臨岐且劇飲

彭子復臨海縣齋

乾道癸巳冬此邦我經行鬱攸氣未殄十家真赤城來

訪臨海令瓦礫紛縱橫翹然二尺高問是戒石銘徘徊
重太息更聞愁歎聲試詢來者誰共言今姓彭我時語
旁人此邑其將興迨予來赴倅客館方暫停夜聞簫鼓
沸聽事先落成起望輪奐美壯觀聳連震百堵日已作
斧斤喜丁丁層樓度勅書兩廡環中庭久乃游其間宏
大使我驚位置既深穩斷削仍攻精田里不知役纖粟
無輸征安得屋朗朗突兀有寧馨退食不苟處扁榜皆
佳名中虛物自照政平由心平樨柏已可悅况有賢弟

兄小亭真吏隱縣擁高山青琴堂雖增舊此意宜細評
智調天下理夸言笑後生大弦可以急小弦恐弗勝舉
意屬俄頃立欲如所營手足民無措吏姦益相乘不如
疎節目示以信與誠施行有次第幽遠無隱情上下始
相應溫和不亮以清子賤意不傳僅許勝戴星彭令蓋得
此所以千里稱此非以政學淵源甚分明行笑解印去
衆心已先傾太守薦之朝一鶚飛青冥傍無虬蟻援日
夜思歸耕我無薦賢柄直書氣填膺安得採詩官取以

徹明廷

催老融墨戲

古人惜墨如惜金老融惜墨如惜命
濡毫洗盡始輕拂
意匠經營極深窈人非求似韻自足
物已忘形影猶映
地蒸宿霧日未高雨帶寒煙山欲暝
中含太古不盡意
筆墨超然絕畦逕畫家安得論三尺
身世生緣俱墮甌
人言可忘不可親
夜半叩門寧復聽
三生宿契誰得知
一見未言心已應
巖傾千丈雪散空
上有清池開錦鏡

意行忽止發虎嘯許作新圖寫幽勝歸尋一紙五十尺
傳以礬膠如練淨自知能事難促迫捲送松牕待清興
筆端寸寸固何如西抹東塗應略定何當一日快先覩
洗我昏眸十年病

王成之給事園山堂

煙雨望麗陽前山羅紫翠照水挹南明不與巾子對
竭來登園山一覽萬山會蓮城山固多此地要為最主人
意軒豁物景供曠快山椒湧華屋迥立風埃外一物無

遁形所在見纖芥清霜肅天壤佳樹隔闌闌俯仰隨取
舍左右從盼睐門牆尋故步杖履許從邁恍然至絕頂
更覺宇宙大樽酒屢勸酬棋枰更勝敗秋高月色皎浮
雲了無礙不俟攀仙掌徒手吸溪瀨茲堂極崇敞意若
欠深邃先植易生木徐待松柏兌望遠仍可喜意滿聊
自晦無使山下人或得窺外內但恐趣賜環樹藝或不
逮先生味斯言一笑相領解吾將飭園丁隨處添翳薈
他時遶扶疎吾廬益可愛

陳順之靈壁石硯山

陳順之靈壁石硯山中有雙澗低處為硯下米元章
題云唐弘文館校書李羣玉有詩南唐李重光故物
也

名畫法書環四壁中有米家真寶石壁峰森聳外澗流
他物雖奇敢爭席舊屬半山老仙人佛印乞之如乞鄰
阿童有力負之走一時攘取或紛綸此石天然非琢磨
是時有水生巖阿至今研池尚餘潤歲月既久惜不多

幾年徒見士夫說一旦喜看形偃月傍連玉立兩於菟
主人照映冰壺徹陳侯之富可敵國會
有寶光驚四塞呼童吸盡硯中水更爲輕番玩奇刻不堪回首江南李
空唱多愁似春水更不如此石千載傳玉砌雕欄等糠粃
寶晉得之真不易身後寧知亦輕棄如今傳玩知幾
人當日瑣牕空自秘端歛爭名南北部勿向雷門揚布
鼓銅臺錫瓦更不須祇合觚稜蔭風雨

跋汪季路所藏修禊序

永和歲癸丑羣賢會蘭亭流觴各賦詩風流見丹青石
軍草楔序文采燦日星選文乃見遺至今恨昭明字畫
最能意自言勝平生七傳到永師襲藏過金羸辯才尤
秘重名已徹天庭屢詔不肯獻託言墮戎兵妙選蕭御
史微服山陰行譎詭殆萬狀徑取歸神京辯才恍如失
何異勅六丁文皇好已甚丁寧殉昭陵當時馮趙輩臨
寫賜公卿惟此定武本謂出歐率更採擇獨稱善遂以
鐫瑤瓊流傳殆五季皆在御寢局耶律殘石晉睥睨不

知名意必希世寶璫裏載輜輶帝羆既北去棄與朽壤
并久乃遇知者龕置太守廳或云政宣間此石歸紹彭
又言入內府宣取恐違程焚膏繼短晷拓本手不停疊
紙至三四肥瘠遂異形南渡愈難見得者輒相矜我見
十數本對之心欲醒汪侯端明子嗜古自弱齡錦囊荷
傾倒快覩喜失聲帶流及古天往往字不成而獨此全
好護持如有靈元王號博雅異論誰與評硬黃極摹寫
唐人若無稱贗本滿東南瑣瑣不足呈猶有發與撫武

硃近璜珩右軍再三作已覺不稱情心摹且手追安能
效筆精響搨固近似形似神不清不如參其意到手隨
縱橫况我筆素拙何力望羣英近亦得舊物庶幾窺典
刑此本更高勝著語安敢輕孤風邈難繼悵望冥鴻征
送劉德修少卿潼川漕

清朝重諍臣選取妙一世矯矯劉御史一鶚勝百鷺顧
瞻最有力步武亦嚴毅一生憂國心千古敢言氣氣足
充所學文能行其意遇事輒奮發觸邪無顧忌乘驄行

且止相戒遠相避但思補袞闕何暇為身計獨立當雷
霆三進氣彌厲去魯固遲遲出畫堂濡滯上終行其言
羣賢爭挽致將輸向潼川寓直尚書秘風裁仰清峻進
退審難易伊昔聯周行睽違千餘歲未為同舍郎愈篤
金蘭契洗眼看騰上寧知攬征袂抗章歎高絕勇退尤
知愧去勿窮日力予環日月冀承君送道鄉硬語吁可
畏毋以此自滿當為不止是臨別提斯語少盡交朋誼
萬里苟同心吳蜀安有異

送張定叟尚書鎮襄陽

武部尚書張公出鎮襄陽士夫莫不惜其去昔昌黎
送鄭尚書詩韻必以來字祝使成政而來歸疾去而
願歸蓋人之至情也而公自受隆委謂邊事非可趣
辦願加久任庶有成績憂國而不為身謀聞者壯之
某嘗陪郎省餞別分韻得壞字未能措辭繼又隨西
蜀諸賢之後始得詳聞奏請之言被酒夜歸亟述長
韻

公家忠獻公勲名照穹壤南軒傳聖學後進斗山仰尚
書天分高百聞真朗朗日坐四益堂濡染助涵養小出
輒驚世發譽自英蕩兩朝倚才辦三接承眷獎堂堂尹
京手風采漢張敞九街寢桴鼓終朝清訟鋤汙流化清
溝闡市鋤巨駟鈴齋畫無人士友厚吾黨政成化自行
談笑揮浩穰皇家重閫寄拊髀勞注想頗牧起禁中帝
曰汝其往人多惜公去地位切台兩惟公不擇地引義
猶慨慷廩度更周詢千里若尋丈再拜受臨遣因得進

忠讜邊臣固多事備禦當素講要須久其任百弊隨剗
破願假臣歲月表裏如指掌人材固不乏第一戒欺罔
樸拙勝功心好佞寧木彊願求忠信士枉直謹誅賞更
須寬轡策奏請應如響上問卿何先安靜最為上上憂
襄漢間吳楚欠遮障公固論形勢衮衮到遜抗是時晉
在洛武昌勢相向是為必爭地南北謹隄防今雖居上
游事與古殊狀狂敵縱欲來無處可傳餉況今三陲靜
皇靈方遠暢與蜀相犄角國勢自增壯尚期效尺寸才

疎意非廣忠肝氣凜凜秋旻足排蕩上喜憂顧寬趣行
開玉帳捐金示優寵諭賜煩上相惟公最得士離別俱
惘惘薦紳親祖餞直欲傾家釀賦詩寫胸臆一一成技
瘡家聲與國事負荷有餘量邊頭十萬兵公臨如挾纊
吾聞敵運窮羣酋欲爭長不戢將自焚前轍有竈場當
為不可勝有和謹毋倡千載羊叔子制敵恢天網行將
友斯人山川固無恙備成撫機動應煩護諸將功高歸
未晚會見登弼亮他時名父子繼踵凌煙像

送鄭惠叔尚書守建寧

十五年前送別時，道山持節向江西。今年又見送公別，
大夫擁麾鎮閩越。向來惜別固已深，今日摻袪尤動心。
尚書自是第一人氣義相許，披胸襟南宮五表平明入。
列辟傳聞俱贊立，壽皇聖孝冠百王。三復高文天為泣，
擢處螭坳寵數新。果然百日掌絲綸，拭圭修聘稱應變。
握節不撓威殊鄰，直上銀臺尤振職。李藩氣槩時批勅，
嗣皇銳意新百度。筆端真有回天力，星辰聽履冠文昌。

急流勇退驚朝行望之正欲試馮翊長孺寧肯薄淮陽
孤拙自憐銷壯志三入修門空負媿薦人不進終不已
獨賴當時言有味公在猶嘆一居州公去無有為王留
公乎行歸佐天子肯作管晏卑微休

題范寬秋山小景

山高最難圖意足不在大尺楮渺千里長江浸橫翠人
家雜煙樹懽悅徒意會苟或森三尺便若俗子對此畫
格律嚴興寄獨超邁洗眼映牕明妙處乃不昧流泉見

原委著屋分向背推車度危橋指路向關隘輕舟最渺
茫浦嶼如有待山稜瘦露骨汀洲橫若帶木葉黃欲脫
秋容儼然在霜餘無片雲歷歷數沙界搜尋目力疲欲
賦無可奈近山才四寸萬象分納芥欲識無窮意聳翠
更天外

江西李君千能和墨及畫梅良齋許以三奇而
詩非所長也

游藝無小大要知皆本原後人率意作終當媿前賢老

潘妙對膠法從玉局傳或假季心名空埽千燈煙補之
貌梅花疎瘦仍清妍折枝映月影真態得之天李君信
雅尚二者將求全諸公競稱許試之乃誠然江西有詩
派皎皎俱成篇茲事未易窺屬和尚加鞭

慧元畫寒林七賢

舊有唐人出游圖謂宋之問王維李白高適史白岑
參六人多畫七賢不知第七人為誰或云是潘逍遙
然未見據病起坐攻媿齋元公忽作寒林賢相寄余

方夢寐故山見之灑然戲作數語謝之

羣賢俱詩豪時代不同處安得寒林中
聯鑣睇相語誰歟創妙意臭味無今古
吾嘗顧陸輩寓意或如許桃李並芙蓉
雪中蕉葉吐元師師老融淡墨掃風雨
作此寄玫瑰逸興渺煙渚舊六今則七
未知果誰與我欲從之游詎敢廁儔侶
畫我往執鞭欣為李君御

次韻趙子野石城釣月圖

石城江頭可憐月曾照六朝清夜獵古往今來知幾何

長江衮衮蕭蕭葉，謫仙去後詩盟寒。
王孫詩瘦清樂樂，詩情浩蕩坐無奈。
扁舟笑把磻溪竿，江平風輕波瑟瑟。
宿靄卷空天一色，東風吹句入長安。
一卷風流座中得，初得神意清再讀。
曾次平回頭，明月祇如故。世上興廢
徒紛更，想君一葉方掀舞。夜靜水寒誰
與語，船頭有酒且孤斟。莫向金陵重懷古。

送從弟叔韶尉東陽

阿連少也爽，孤立生氣馥。壯年淬詞鋒，傾心事鉉鑠。膠

庠困齏鹽世科終穩占再興聯桂堂爾祖真不忝况將
尉東白士友尚歆艷惟我愛子深老矣猶不厭固知為
子喜頗亦動吾念贈子當以言苦口當鍼砭此邑子舊
游歷歷數行店棠陰見郎君遺老喜窺覘其民最服義
情偽靡容揜莫持采棒威要使慕巾墊子文多立就詞
采更華贍吾聞恃俊者塞門差反坫前賢最加謹臨用
更重儉他時可待取天庭得錦幘吾家有素風耳目久
濡染毋庸慕豪舉助廉先以儉洒洒更宜戒平地有深

塹酣暢當以時勿習孟激滌將論毋過高斯言却防玷
立節毋務奇躡等恐成僭外物思過分檢身但多欠勿
嫌一尉卑封清尚為廉仕途固嶮巖大要進以漸不須
苦求知真知奏應剡向來湖海豪四十可收斂寧為處
囊錐莫作露刀劒匆匆摻袪別魚鮮酒方釀刮目待子
歸罔俾吾言驗

送制帥林和叔歸

使君一何清鶴骨天與瘦少年場屋聲六藝飽芳漱一

行起作吏所立已不苟立朝凜大節論事幾反雷發言
必體國平生無矯揉藜藿為不採風采照宇宙出入有
本末眼見凡三就來不為苟合薦名乃結綬去亦不好
高三宿徐出畫天官豈不貴陳義堅素守贛川嘗報政
復來守鄞鄮不求赫赫名實出龔黃右情偽千萬端到
眼輒空透撫民過嬰兒閭里息爭鬪奸胥及強使時用
霹靂手人誦南山判情過理亦究六邑俱帖靜稱贊不
容口律身至嚴冷無能掣吾肘吏事精且勤呼燭侵夜

漏公退入家塾諸孫後來秀吏卒不識面洛誦出牕牖
幾年南塘路來往困彊仆一朝平似掌行歌紛老幼公心
信如水古井波不皺榮觀處超然軒冕亦何有翩翩欲
賦歸排雲屢騰奏廟論終不許斯民方借寇上心重閔
勞祠官向廬阜闔境極攀戀人人懷杜母君看卧轍人
誰能使奔走挽湏不得畱百拜願公壽老我幸同朝傾
蓋已如舊聯事東西省交情久益厚我歸公亦來門戶
托雲覆黃堂間參語惟我甥與舅揚旌鳴鼓吹賁此蓬

華陋清談不及私翁歸况不受義命孰不知踐履或差
謬惟公見善明力行真耐久有時相與言心同蘭茝臭
摻袪寧忍別追送列觴豆公雖不好飲勉為飲醇酎公
去我亦隱菽水翻綵袖花溪渺何許望望幾雙堠千里
共月明懷人重搔首惟應折梅花臨風為三嗅

送萬耕道帥瓊管

黎山千仞摩蒼穹顓顓獨在大海中自從漢武置兩郡
黎人始與南州通歷歷更革不勝計唐設五筦如邕容

皇州聲教久漸被事體全有中華風生黎中居不可近
熟黎百洞蟠疆封或從徐聞向南望一粟不見波吞空
靈神至禱如響答征帆飽掛輕飛鴻曉行不計幾多里
彼岸往往夕陽春流求大食更天表舶交海上俱朝宗
勢須至此少休息乘風輕集番禺東不然舶政不可為
兩地雖遠休戚同古今事變無定論難信捐之與揚雄
四州偶分各置守瓊臺帥閩尤尊崇高牙大纛擁方伯
鼓吹振響驚蛟龍漢家威名兩伏波盧丁以來幾宗工

衛公精爽尚如生妙語况有玉局翁史君吏事素高了
明若古鏡磨青銅叱馭行行不作難平生惟仗信與忠
布宣王靈萬里外益使向化來蠻貊弟惟遐方習疎慢
政化要當闕務中能見越王石自然心服今易從

頑獷未率宜以漸勿示駭政先含容平平之道用定遠
下下之考書陽公吏民先長固安土尚當摩撫如童蒙
屬僚宦游豈得已士多失職悲途窮名分卑尊不可紊
更念何處不相逢官事既了與無間可使和氣俱冲融

鄉閭惜別情所鍾臨歧為傾琥珀濃手遮西日念遠去
欲畱奈何鼓逢逢願君穩度三合溜早歸入侍明光宮

送元衛弟赴長亭鹽場

阿連生向秀二親所甚愛仲兄勤拊養遇事輒加誨幹
蠱靜而辨曾次無卑隘今焉職牢盆官字臨渤海毋謂
官為小要使所居大毋言才可了檢身到纖芥門戶重
衣冠清白綿數代當以誠心求子親勿自懈亭民亦良
民孰謂居無賴官吏既擾之兼并責逋債熬波亦良苦

樂歲色猶菜輸鹽不得錢何以禁私賣所在積蠹久良
法浸多壞吾閒不無術更當審利害熟視不為謀空餐
媿難蓋不應行一切遽使絕稱貸富者能寡取倍息久
仍在貧者庶少寬公私可緩帶母年登九十家居幸康
泰其家不從政禮經有明戒幸子去不遠時時可歸拜
小別不足惜輕車送前邁

白醉閣

陶內翰清異錄首載開元時高太素隱商山起六道

遥館各製一銘其三曰冬日初出銘曰折膠隳指夢
想炙背金鑪騰空映簷白醉余愛其言取以名閣陳
進道惠示大篇次韻

處世難獨醒時作映簷醉年少足裘馬安知老夫味天
梳與日帽且復供酒事謫居幸三適得此更慙愧向來
六逍遥特書見清異君家老希夷相求諒同氣曲身成
直身朝寒俄失記醉中知其天不飲乃同意書生暫寄
溫難語純錦麗

贈范緯文秀才

括蒼范牛自題云中興道士范子泯異人也淳熙間

武昌羅端良史君

缺

遠可詩篇有贈畫牛范秀才一

詩愛玩不能去手時時誦之以寫云亡之悲今十八
年矣有范緯文叩門初談風鑒旋及墨戲事自言視
子泯為大父行羅史君贈詩即其人也既試其說草
數語畀之

中興道士以牛鳴淡墨百果尤著聲妙入神品仍有靈

我不識之欽其名曾得烏捷兩橫軸又有石榴才一幅
武昌使君舊寄詩未言秀才乃其族忽有緯文來款門
自言真是當家孫口誦羅詩若翻水他詩歷歷俱能言
一見前畫數真蹟願得生綃奮吾筆為作來禽對石榴
一埽缺援生意出我詩不工人已陳有詩豈復能動人
為君一寫使君語更求知己如羅君

它山堰

它山吾鄉絕境也屢游而不及賦近過其上賦前四

句而歸季夏鬱蒸午寂無事因足成篇寫罷長哦遐
想勝地頓覺風生兩腋汙垢俱清比之陵陽冷語尤
為消暑上策也

它山堰頭足奇觀百方雷雷聲不斷誰把并州快剪刀
平剪波瀾成兩段四明山澗水源遠衆壑會谿長漫汗
滔天狂潦不少留瀉入長江勢奔竄賢哉唐家王長官
欲圖永利輸長算想得慘澹經營時下上山川應飽看
四福千嶺桐屬聯惟有茲山擁東岸遂於此地築橫埭

截取衆流心自斷斟酌利害不全取高下參差僅強半
水大十分七入江徐挹三分供溉灌支流瀾瀾穿郡城
脉絡貫通平且緩旱時反此水亦足坐使千年忘旱暵
無窮廟祀報元功像設森嚴人敢玩梅梁天矯有冥助
大患於今尚能捍前輩所作多神靈日月真成赤心貫
後人小智或更易費盡工夫隨破散河堙蓋缺謀不集
堤斷河傾流甚悍富民束手人受殃仰望古人重興歎
老木號風波湛碧畫屏俯仰丹書煥更湏積雨看驚湍

濡足褰裳何足憚去家不遠時一遊短艇垂綸流可亂
八月倘有仙槎來便欲乘之泝天漢

題趙尊道渥洼圖

趙尊道制幹以龍眠渥洼圖示余余曰誤矣本韓幹
馬東坡外為賦詩考此龍眠所臨而以後為前俾易
之為書坡詩於後而次其韻馬實十六坡集詩云十
四匹豈誤耶

良馬六十有四蹄騰驤進止紛不齊權奇倜儻多不羈

亦有顧影成驕嘶或行或涉更相顧交頸相摩若相語
畫出老杜沙苑行將軍弟子早有聲中間名種雞羣鶴
無復瘦瘡烏暮啄當時玉花可媒龍復日去盡烏呼風
開元四十萬匹馬俯仰興亡空見畫龍眠妙手欲希韓
莫遣鐵面關西看

題高麗行看子

高麗賈人有以韓幹馬十二匹質於鄉人者題曰行
看子接處黃綾上書韓幹馬表飾以綾尾以精紙皆

麗物也聞其懷金來取因命工臨寫而歸之再用東坡韻書臨本之後

竹批雙耳風入蹄霜鬣剪作三花齊相隨西去皆良種
撼首勢竄迎風嘶丹青不減陸與顧麗人傳來驛通語
裝為橫軸看且行云是韓幹非虛聲圉人乘馬如乘鶴
人馬相諧同呼吸中有二匹真游龍爬梳迥立綠楊風
賈胡攜金贖此馬亟呼工人臨舊畫我詩無計到三韓
寫向新圖時自看

跋李少陵修楔序

唐文王之賜韓王有崔潤甫之題為可放若李重光撥鐙書斷然無能效之者其為真筆何疑朱徐開皇之記則已見少裴之辨開元去正觀未遠潤甫又職校定四部圖書以為最善本則真善矣辨才之本既殉昭陵今世止以定武本為第一又出歐陽率更所臨石本自應在墨蹟之下則知此本信為冠絕蓋希代之寶也然考之新舊唐史崔湜弟液滌及從兄淮

並有文翰居清要液至殿中侍御史液弟滌明皇用
為秘書監出入禁中後賜名澄如此則液為湜之親
弟而為秘書監者滌也又宰相世系表博陵安平崔
氏仁師相文宗高宗次子擢擢之子液吏部員外郎
第四子挹挹之子湜相中宗湜之弟滌秘書監如此
則液為湜之從弟又不為秘書監傳之與表已自不
同而滌之親筆乃爾以是知作史與考古之難也因
併述之乃賦長句以副少裴好古之意

蘭亭修契永和中羣賢高會俱雍容右軍作序亦偶爾
藁草乃致傳無窮自言疑若有神助他日屢書終不同
歷代傳寶在秘府尤其甚者唐太宗當時搜取極心力
摹本一一羅羣公惟此真蹟最奇絕蕭梁開皇有遺踪
親御奎文賜元嘉龍蟠虎翥何其工辨才所取秘昭陵
此本一洗凡馬空崔家兄弟列清要誨子況復稱龜龍
圖書四部資校讎當時尚有正觀風自云此為最善本
冰銜臣液題甚恭李王浚得撥鐙法筆力絕勁雄江東

右軍以來皆妙筆名勝異代如相從病餘扶僊行埽松
李君攜來為發蒙平生多有舊墨本一見使我開心胃
摩挲歎息不自已至寶盃入明光宮隱居懷寶正不惡
異氣或能斗斗衝叩門有客勿傾倒恐有御史來乘驄
再題行看子

先引護欄毬子驄九馬近遠俱相從黑駒黃驢素驪
亦有當面仍銀駿夏國一種青於藍五明錯靴皆如龍
或驂或引恣馳驟坐覺隱耳聲瓏瓏人間安得有此輩

一一必自天閑中不惟骨相異凡馬圉人貴介多雍容
三花剪鬣自官樣空鞍更以香羅幪中間二者蓋天馬
齒雖已老氣尚雄不知幾出橫門道雙立柳下青陰濃
擡韁捩頷刷背脅旋梳駿尾搖青風人人生意馬欲動
態度曲盡各不同韓生去找幾百年藻色尚濕青與紅
不知何時墮雞林萬里遠在東海東賈人攜來得寓目
一見絕歎丹青工千金可買真不惜忽復攜去何匆匆
急令臨寫得形似如此神駿那得逢開元內外馬盈億

色別為羣從登封韓生所見定傑出七尺為駉八尺駢
向來鶯邊繫金絨歸乘款段頭已童伏櫪寧能志千里
却笑區區據鞍矍矍翁

送孫子祥赴新昌主簿

高士不為簿子嚴論獨殊不遭何不可而况主簿乎夫
君豈其裔南明筮仕初要知官無卑祿可代耕鋤正須
勿小稽使民能樂輸矧復兼尉曹鼠竊隨除驅西職去
民近亨途此權輿君誠吾里秀賢厚素有餘埋蛇有陰

德映雪讀古書起家決儒科鄉評足名譽妻以兄之子
相與足相娛小別不足惜未免摻子祛邑徑迷台剡好
山環四偶一子丞鄰封川陸通舟車乘興或一往徑欲
造庭除公餘想積文尤當惜居諸會看興公賦擲地金
聲如

送漳丞上虞

我老不復仕行將掛衣冠兩子俱貳令官職恰一般列
川且書考上虞亦之官人言易捧檄歸奉重親歡我意

正不爾期汝政可觀食焉怠其事古訓戒捨饒汝職去
民親簿書當細看一邑無不問正爾良獨難江海匝三
垂長堤捍驚湍埭高幾如山潮至不留殘宣和有遺迹
能使潮浸灘陂湖謹蓄洩可以救旱乾長溝濟漕運浚
治令通寬此皆丞所職勿憚心力殫江頭有東山永懷
謝家安邑有李與豐况復居二潘尚有更從游問學加
研鑽平時固知汝廉謹無欺謾涉世終未浚送汝能忘
言故鄉去帝鄉舟馭多往還失已固不可待人亦多端

罔求違道譽善遣非意千窮達自有時此理真如丹聚
散不足較豈得長團團閒靜我所便汝其自加餐有時
或乘興往來二子間蹈雨送汝行浮家當游般走筆如
家書誰能苦雕刻

送伯中弟尉新喻

伯父盛德人伯中實暮子不惟能象賢氣貌亦相似幼
日讀父書結字得皮髓粹然金玉姿少日期千里寧知
游上庠蹉跎困名第晚始著青衫酸寒就一尉剡然報

瓜時往戍真樂事自惟羣從希惜別不能已中年重離
別況我衰如此親故例作惡况復於吾弟茲行豈得休
雅懷聊漫仕勿憚三年留江南富山水尉曹官雖卑去
民最密邇一日斯必葺職務毋少弛善保金石軀離觴
且同醉歸來畢婚嫁相從期暮齒教子以義方忍負授
經史素業俱有傳見進未見止大兒方決科加摘領髭
耳子尚徐其驅中途聽捷喜

錢清王千里得王大令保母輒刻為賦長句

家書千載稱蘭亭蘭亭真蹟藏昭陵只今定本誇第一
正觀臨寫鐫瑤瓊黃閣岡下得寶墨古人燒輒堅於石
大令親書保母銘況是當時晉人刻輒雖破裂文多全
妙畫遠過蘭亭鐫其間曲水悲夫字駸駸欲度驂騑前
我家阿連縛虎手更得退堂方外友王君素出三槐家
參坐會文真耐久田丁初來獻小硯尋見津津若微溜
細看背刻晉獻之永和彷彿在旁右亟訪田家叩所從
始知墓崩隨意構大輓支床得前段掀倒浮屠全尾首

字為十行行十二百十有七二字漏交螭方壺不復見
貞石摧藏松亦朽我得此碑喜不寐摩挲三款款未有
興寧甲子十四周更閱三年仍乙丑若非洞曉未來數
安知八百餘年後坡翁應未見此志金彈之銘何絕異
人知文章有暗合智明所見略相似二王遺蹤無所遺
誰知地下此段奇三君共為成勝事至寶呈露端有時
越山盤屈獻與義付與兒孫世守之煩君更為護幽竈
或恐意如猶有知

賦蔣錫若水番馬圖

何處驅來良馬六，駟黃參錯如花簇。
胡為不作騰驤去，各有游韁繫前足。
邊人下馬俱少休，醉倚氍毹眠正熟。
酋豪揀箭奚奴撚，意欲時平不遺鏃。
琵琶橫倚續續彈，一夫坐聽陰山曲。
卧擁提壺將引飲，英氣虬鬚皆貴族。
沙磧坡陀高復低，天寒不見寸草綠。
我行燕薊頗見之，狼帽烏靴乃其族。
勿云恃勇不知義，要以赤心置其腹。
嗚呼安得壯士健馬咸，作使坐令戎馬皆臣僕。

跋余子壽所藏山谷書范孟博傳山谷晚在宜城
或求作字谷問欲何書則曰惟先生之意谷許
以書范孟博傳或謂南方無復書谷曰平時好
讀此傳遂嘿誦而書之舊聞此說又知在上饒
大夫家願見不可余子來入判慕博記善屬文
偶談及此又出摹本及尊公跋語始知其為先
世舊物也為賦長句

宜人初謂宜於人菜肚老人竟不振承天院記顧何罪

一斤致死海南濱賢哉別駕眷遷客不恤罪罟浚相親
袞袞不容處城闔夜遣二子從夫君一日攜紙丐奇書
引筆行墨生煙雲南方無書可尋閱默寫此傳終全文
補亡三篋比安世偶熟此卷非張巡巖巖汝南范孟博
清裁千載無比倫坡翁事母曾啓問百謫九死氣自伸
別駕去官公亦已身雖既衰筆有神我聞此書久欲見
摹本尚爾存其真輟公清俸登堅珉可立懦夫羞佞臣

謝葉處士寫照

頃在朝行葉處士光遠為余寫照置於山林中欣然
自贊有云山林如許盍歸去蓋志於歸也一歸十三
年既掛冠再寄一圖為老人星狀形容變盡非復故
吾矣戲作長句謝之

老我舊曾官日邊隨衆年除仍歲遷母子日夜念鄉國
但欲共畊繇上田葉君寫照妙一曲畫我形模在山水
有如虎頭貌幼與正合置之巖石裏猶記有客為諛言
盍更野服為貂蟬我笑不答心不然拂衣竟得歸林泉

歸來歲月不知久十餘年中復何有此心炯炯尚如丹
只為幽憂成老醜久矣與世俱相忘荷君念我應老蒼
新圖白髭添一二豈知雙鬢皆成霜兩圖對掛耿相照
顧眄從容成一笑更添松竹作壽星我已甘心就枯槁
人言姿態與真同如照止水窺青銅明知已非故吾矣
小孫指點能呼翁君居天街號稱首侯王生面羅左右
邊頭飛將能立功颯爽英氣照窻牖名滿四方求者多
千金造門君不可能事固不受促迫應酬雖煩可奈何

胡為有暇及衰朽楚楚裝池意尤厚我今已是行路人
不須重累丹青手

訪留昭文于范村山間不得見

黃扉處士掩松關小立松風去住難可歎山中真宰相
未容神武掛衣冠

送王仲言添倅海陵二首

萬卷詩書老雪溪頎然二子和壩麓絕憐伯氏久亡矣
猶幸夫君及見之來上鴈行人謂晚往舒驥足自嫌遲

他時還向雲門否布襪青鞋尚可期

遂初陳迹遽淒涼擊歎青箱極薦揚談笑于儂情易厚
典刑使我意差強重屏舊畫論中主古殿遺文話阿章
舊事從今向誰得尺書時許到淮鄉

劉德修右史去國示所和從父東谿及楊子直詩

走筆次韻

東谿詩似老彌明傾蓋論詩絕點塵筆墨為供無盡藏
江湖乞得自由身出門遠送成惆悵無計相留更主臣

但願皇天開老眼不應空谷滯期人

送曾南仲寺丞守永嘉

六和久坐趨歸鞭却送旌麾水竹邊
無說可禪新令尹有詩重送老同年
城隅綠竹今安否庭下朱欒定儼然
回首東州真夢境羨君此去若登仙

送津尉海陵并寄示瀟二首

二子俱從宦重親足自怡汝能行幼學
我豈恨輕離平日自知已真心更與誰
臨文有遺志此是憶兒時

處已幸寡過居官勿願餘動成經歲別牘寄幾行書公
退仍多學心清任索居但知行奉職通塞聽何如

送內弟汪耐翁隨侍因赴臨川推官

之子長才盍要津未知此別幾經春且為湓浦過庭子
徑作臨川入幕賓生長外家身已老周旋中表意尤親
從今家問須情實莫事虛文學外人

弔陳衛道墓

平生學博更加詳和會三家儘較量一覺可憐成夢蝶

多岐終是易亡羊門前修竹連巖桂道上芙蓉間海棠
何似剗除閒草木青松一色蔭高岡

遊大梅山梅僊岩

為憶西京梅子真人言羽化匪沉淪海瀕古墓已無迹
山外高峰寧有神鯁論至今充漢傳清風猶足盪秋旻
何須更說神仙事終老市門良可人

菁江送客

菁江十里路逶遲兩岸平疇接翠微贏得閒中乘畫舫

隨湖西上趁潮歸

過從子澤家

楚楚初篁脫綠苞
城居約略似荒郊
土膏更得春風力
直引薔薇上竹梢

題陸放翁詩卷

妙畫初驚渴驥奔
新詩熟讀歎微言
四明知我豈相屬
一水思君誰與論
茶竈筆牀懷甫里
青鞋布襪想雲門
何當一棹訪溪雪
夜語同傾一瓦盆

小谿道中二絕

簇簇蒼山隱夕暉
途看野鴈着行歸
久之不動方知是
一搭碎雲寒不飛

後衙環村儘遡游
鳳山寺下換輕舟
舟人努力雙篙急
引得清溪逆岸流

早起戲作

枕穩衾溫夢不回
閒居不怕漏聲催
天明更欲從容睡
長被兒孫惱覺來

午睡戲作

早起三朝當一工老來貪睡不相同偶然一次五更起
却用重眠到日中

湖亭觀競渡

涵虛歌舞擁鄴君兩兩龍舟來往頻閨月風光三月景
二分煙水八分人錦標贏得千人笑畫鼓敲殘一半春
薄暮遊舫分散去尚餘簫管繞湖濱

龍潭方丈

又因寒食此中來
窻戶虛明絕點埃
山裏春風無間斷
海棠開過地棠開

小酌元衛第聽雨

小閣臨流暑氣清
藕花的的照人明
移牀更近欄邊坐
要聽碁聲雜雨聲

過故家

團團桂樹擁簷牙
舊日輕黃滿樹花
惆悵秋清無一葉
空餘枯枿縋寒瓜

仲觀有詩來謝次韻

危機屢見劒頭炊喜及掛冠神武時從此含藏三寸舌
算來插得幾張匙讀書窻下病缺攻媿菴中老住持
速辦小舟頻往反及今精力未全衰

間丘醫視脉曰老人之脉如小春有感

老去光陰如小春如何比得少年人君看桃李春風後
縱有花開不是真

貢闈對硯盤發數

卷八十三
老去未忘黃與朱，琢成三硯樂閒居。豈能更作諸生業，
但欲頻看後世書。視草非門才已盡，持衡南省計尤疎。
便須再掛衣冠去，約汝同歸故草廬。

戲題十四絃

十四朱絃欲動時，泛商流羽看瓊姬。絃疏不隔如花面，
聲急還同墮馬兒。谿蟹霜餘紫密網，簷蛛雨後理輕絲。
曲終勸客杯無算，一吐空喉醉不知。

大雪趙振文寄詩言乘月泛舟清甚次韻

舊聞老具擅詩聲
夜汎錢塘向鳳城
今日清游更豪逸

雪花和月帶潮生

法具字圓復
紹興初詩僧也
有月夜游錢塘江詩云
小舟為我載月色白

沙翠竹光相射後復云白
下金陵四百年無此豪逸

酒邊戲作

未年六十已言歸
七十重來自覺癡
未報君恩歸未許
樽前羞聽摸魚兒

項游龍井得一聯王伯齊同兒輩游因足成之

路入風篁上翠微
老龍蟠井四山圍
水真綠淨不可唾

一作水從何
來不知處

魚若空行無所依勝處雖多終莫及舊游
誰在事皆非祇今匏繫何由到徒羨聯鑣帶月歸

海潮圖

錢塘佳月照青霄壯觀仍看半夜潮每恨形容無健筆
誰知收拾在生綃蕩搖直恐三山沒咫尺真成萬里遙
金闕峩天尺五海王自合日來朝

題施武子所藏醉白堂記

并序

醉白堂記相臺舊刻已不多見施武子得太清樓所

藏真蹟一代奇寶也魏王尚友香山坡翁詞翰兩絕
畫錦故居昔嘗以假吏過其門巷恨不一到其處太
清圖書流傳至此撫卷無非可歎者事至今日歎又
不足為之慟哭可也

堂名醉白尚存不詞翰輝光射兩眸天下曾除蘇氏學
禁中却有太清樓舊碑於世已難見真蹟惟君乃得收
感歎不堪衰淚落林慮山水空流

魏王以相州城中
無水於林慮山引

水入城貫第中
溢為灌溉之利

楊花

雨壓輕寒春較遲
春深不見柳綿飛
忽然飛入閒庭院
疑是故人何處歸

柳絲無數糝枝頭
日暖隨風撲畫樓
萬象可觀惟有雪
喜看晴晝滿空游

為我輕攀綠柳枝
帶花低護又攜歸
日長深院微風動
要著鬆綿當面飛

野芳庭草是生涯
老去祇宜閒在家
幾日惜春留不住

小鬟為我拾楊花

趙資政園梅篆

小徑回環里許長
寒梅森列間疎篁
路如古繭紫膠篆
身似輕煙繚印香
九折坂中經蜀險
八盤嶺上趁朝忙
歸來游戲通幽處
笑看危途幾太行

喚仙閣

多少尋仙更不還
渺茫竟墮有無間
使其真有無庸喚
仙自曾城我自山

阿虞試醉戲作

阿虞葡萄醉盤中事事都拏要學翁最是傳家清白處
不將妙手向頑銅

行香聞杜鵑

牆西綠柳杜鵑聲老我何堪側耳聽我自賦歸歸不得
不須苦語更丁寧

宋詩鈔卷八十三

欽定四庫全書

宋詩鈔卷八十四

內閣中書舍人吳之振編

趙師秀清苑齋詩鈔

趙師秀字紫芝四靈之中唯師秀嘗登科改官然亦
不顯四靈尤尚五言律體紫芝之言曰一篇幸止有
四十字更增一字吾末如之何矣其精苦如此

哀山民

憶君初病時倉皇造君榻知為寒所中脛痺連左胛蔣
子丹有神三日能屈伸五日扶杖丘十日行逡巡於時
數相見談娛靡曾倦啜茶猶滿甌改詩忽盈卷君亦疑
勿藥春和可為樂仙家桃最紅同踐天台約多愁積如
山令君心不閒殘疴故未去澁嗇腸腑間岳僧有烈劑
倒篋得餘惠服之汗翻漿事與東流逝啼妻無完裙弱
子猶哀廬詩人例窮苦窮死更怜君君如三秋草不見
一日好根荄霜霰侵萎絕嗟何早哭君日無光思君月

照牀猶疑君不死猛省欲顛狂昨者君未疾相過不論
日晴窓春翦蒲寒爐夜煨栗石堦苔蘚中猶有舊行蹤
憂心不能寐無夢得相逢君詩如賈島勁筆幹天巧昔
為人所稱今為人所寶石峰云有地葬從朋友議須求
侍郎銘難見山民字平生翁與徐南去久無書不知聞
信後涕淚當何如寫池烟水暮宛是西川路虛言楚客
招終感向生賦

後哀

交交谷鳥哀鬱鬱澗松折山民無還期春物失怡悅平生感期人難以常理說共智已則愚忽巧衆亦拙芳名信可垂在世何寂滅含悽為卜兆寔利茲月行當宿草生當使我淚歇未知百年後誰復耕此穴寄言苦吟者勿棄攝生訣

敬謝章泉趙昌甫二十韻

耆舊半凋落在者如晨星與翁別豫章十見草木青人生幾堪別夢寐生羽翎迢迢玉溪波近時嘗再經攜家

事多難所至那得停山中空望來日夕不掩扃豈獨負
茲約尺書亦沈冥逢人問消息但喜言康寧墮來兩卷
什一以慰飄零感此故意弘不我迹以形文章出晚歲
字畫猶壯齡誦之西湖濱驚動孤山靈翁卷遊崆峒一
已煩郵鈴幸翁良未衰吾黨存典型遙聞曾入郭諒為
韓與丁郡齋待且久幾宿澗上亭今春少晴時澗水應
泠泠歸來安穩否薰風入林垆願言愛玉骨逍遙卧殊
庭會面雖未期忽聚江湖萍

官田之集翁聘君失期陳伯壽賦詩率爾次韻

好水不厭潤好風不厭涼況有十頃荷荷風媚波光主
人昔謂余此境不可忘舉觴集羣英期以朝未央清歡
遣絲竹善謔停優倡快若魚脫網適比鴛在梁寥芳衣
履濕飲淥肌骨香操觚賦相聯妙續楚九章苦吟墮飢
蟬巧詠發輕簧常勝或倒戈突出或擅場或峙而遽蹴
或抑而載揚所欠獨巨翁不使人意強孱衲爾何為竭
颯立在傍有間衆稍嘿談辯勿汪洋夕風亦損荷萬事

付巨量

九客一羽衣泛舟分韻得尊字就送朱幾仲

人生苦行役不定如車轅況各異鄉井忽此同酒尊此
尊豈易同意乃有數存西湖雪未成兩山翠相奔山根
日照樹花放林逋村野饌具藤藿一飽厭百飧有客何
多髯吐氣鄰芳蓀慷慨念時事所惜智者昏砭療匪無
術諱疾何由論北望徒太息歸歟尋故園哆然黃冠師
笑請子勿喧東南守太乙此宿福所屯吾子且飲酒酒

金瓶梅
卷八十四
冷為子溫

哭徐璣五首

君早抱奇質，獲與有道親。
微官漫不遇，泊然安賤貧。
心夷語自秀，一洗世上塵。
使其養以年，鮑謝焉足鄰。

昔吾與君遊，嫌疎不嫌數。
自為貧窶驅，十載九離索。
前年會京都，勗我返林薄。
吾貧未得歸，君死不可作。

思君氣實充，不與短折類。
血死匪無由，恐是服椒罪。
君於藥自深，何獨此乎昧。
豈不聞仙人餌，菖得十歲。

平生於所學常若喪其敏臨池書未成池水黑已盡傳
來葉嶺帖遂與蘭亭近凡茲究極功亦足損肝腎
道暉愛江籬吾子思單老生念死不滅應會沅湘道空
山獨靈舒閉戶守枯槁風雪將歲闌凋零此懷抱

桐栢觀

山深地忽平縹緲見殊庭瀑近春風濕松多曉日青石
壇遺鶴羽粉壁剝龍形道士玉靈寶輕強滿百齡

楊柳塘寄徐照

金部人二
卷八十四
因貧為遠別已是十三程盡日行山色逢人問地名近
書無便寄新句與誰評想爾寒宵雨思予亦夢成

贈孔道士

生來還姓孔何不戴儒冠詩好逢人誦琴清只自彈訪
師行郡遠愛竹透庵寒見說丹爐內黃金化不難

舟行寄翁十

輕舟風色好波面去迢迢取爾詩重讀令吾病欲銷江
禽停晚樹澗水入秋潮已覺懷人極分攜始一朝

縉雲縣宿

親知因別久，具酒勞經過。
古邑居人少，春寒入夜多。
雨香仙地藥，燭動石橋波。
稍覺離家遠，鄉音一半訛。

進賢道中

半月逢梅雨，初晴客意消。
鶯聲臨野水，松影卧新苗。
少憩休輿卒，閒行過板橋。
平生無飲分，空愧酒旗招。

筠州郡庠山亭

一來高處望，遠近盡秋容。
秀氣歸才子，清風屬釣翁。
溪

晴分別港山闕見他峰獨憶良宵月無因宿此中

延禧觀

寂寞古仙宮松林常有風鶴毛兼葉下井氣與雲同背
日苔磚紫多年粉壁紅相傳陶縣令曾住此山中

撫欄

撫欄驚歲月久住欲如何水國花開早春城人上多病
令詩懶作閒喜客頻過聽說邊頭事時賢策在和

寄趙昌父

逃名逃未得幾載住章泉便使重承詔多應不議邊高
風時所繫新集世方傳憶就江樓別雪晴江月圓

贈張亦

相逢楚澤中語罷各西東天下方無事男兒未有功邊
風吹面黑市酒到腸空早作歸耕計吾舟俟爾同

贈達西堂

秋水數枝蓮在師房一邊固應通淨理不復念生緣舊
願醅初滿靈方許盡傳閒詢曾住寺如夢已茫然

送湯干

能文兼悟性前是惠休身為選來京邑因吟訪野人所
居纔隔水不見忽經旬何事云歸速儒官拜敕新

石門僧

石門幽絕甚獨有一禪僧寺廢餘鐘在房高過客登山
蜂成苦密崖溜結空冰如此冬寒月他人住豈能

秋色

幽人愛秋色祇為屬吟情一片葉初落數聯詩已清瘦

便藤杖細涼覺葛衣輕門外蕭蕭徑今年菊自生

簡同行翁靈舒

久晴灘磧衆舟楫後先行終日不相見與君如各程水禽多雪色野笛忽秋聲必有新成句溪流合讓清

信州草衣寺

芙蕖四五枝寂寞在空池難見草衣士空看宴坐碑香烟思盛日詩句記遊時欲問臺中鶴長松自不知

靈山閣見二徐友舊題句

一面見溪水三邊皆翠微
晚來虛檻外秋近白雲飛
重至恰身老同吟感客非
靈山自如畫依舊隔斜暉

秋屏作

凡有闌干處秋來偏往還
就中惟此地全得見西山
雁落遙沙小人登廢壘閒
因憐一州景皆在夕陽間

送沈莊可

清事貧人占斯言恐是虛
與花方作譜為米又持書
時節寒相近山林拙未除
西江波浪急送子一愁予

送輝上人再住空相

忽然聞受請鐵錫指秋風寺在寒城裏州居野水中生
緣拋未盡舊講續應終不用相尋別浮雲去住同

辭薛景石

虛窓風颭然獨卧聽殘蟬家務貧多闕詩篇老漸圓清
秋添一月故里別三年最憶君門首黃花匝野泉

送徐璣赴永州掾

二水鴻飛外君今問去程家貧難擇宦身遠易成名入

署梅花落過汀蕙草生莫因饒楚思詞體失和平

巖居僧

開扉在石層盡日少人登一鳥過寒木數花搖翠藤茗
煎冰下水香炷佛前燈吾亦逃名者何因似此僧

安仁道中

行盡沿溪路天寒歲又除欲消冰似雪初長麥如蔬於
世無成事何時有定居等緣貧所役為仕媿為漁

壕上

遠近人家住過橋路盡通野田行瘦馬淺渚聚羣鴻地
靜微泉響天寒落日紅若非身作吏不道是城中

月夜懷徐照

月色一庭深迢遙千里心湘江連底見秋客與誰吟寒
入吹城角光凝宿竹禽亦知同不寢難得夢相尋

送倪道士之廬山

近方辭地肺本自住天台有鶴相同出無雲作伴回道
房隨處借詩板逐時開又說廬山去閑看瀑布來

送鄧漢卿

我亦將歸者先行極羨君惟因交已友頗覺意難分江
滿帆侵樹山高燒入雲他年有書札彼此訪耕耘

徐孺子宅

今識高眠處滄波是切鄰已知難即鹿惟有獨潛鱗草
長過荷葉藤深失樹身閒思昔微子猶自得稱仁

德安道中

餐餘行數步稍覺一身和蠶月人家閉春山瀑布多鶯

啼聲出樹花落片隨波前路東林近慚因捧檄過

徐靈暉挽詞

在生貧不害早喪何嗟吁天下黃金有人間好句無魂
應湘水去名與浪仙俱平日惟耽茗墳前種幾株

太平山讀書寄城中諸友

野人無別事故得坐空林黃卷還鋪日青蓮未悟心鐸
音山殿靜螢影石池深不敢邀芳屐因閒儻一尋

大龍湫

一派落虛空如何畫得同
高風吹作雨低日射成虹
酉域書曾說先朝路失通
或言龍已去幽處別為宮

宿徐靈暉山舍

分坐橋邊石同歸原上村
窺燈禽出樹聞語僕開門
雪後挑蔬潔更深貰酒渾
極知高卧久吾賤不能倫

雁蕩寶冠寺

行向石欄立清寒不可云
流來橋下水半是洞中雲
欲住逢年盡因吟過夜分
蕩陰當絕頂一雁未曾聞

贈約老

一徑入深竹數楹臨古溝更無人共住極喜客來遊
白髮長垂領新茶綠滿甌自言門外寺皆是老僧修

送薛子舒赴華亭船官

竹籠盛書去遙知官事閒水程春有雨海岸曉無山
奧理漸摩後清名獲養間坐曹觀剡木意與易相關

翠巖寺

石巖看不見翠色自重重春雨生松葉山風響鐵鐘
碑

頑工費黑草嫩鹿添茸住院吾僧老相迎憶舊逢

薛氏瓜廬

不作封侯念悠然遠世紛惟應種瓜事猶被讀書分野
水多於地春山半是雲吾生嫌已老學圃未如君

送徐道暉游湘水

春盡雨霏霏春寒猶在衣人尋香草去雁背遠峰歸瀟
水添湘潤唐碑入宋稀應知名與姓題寫遍巖扉

劉隱君山居

嫌在城中住全家入翠微
開松通月過接竹引泉歸
盧淡頭無白詩清貌不肥
必無車馬至猶掩向巖扉

官舍初成

為宅傍城墻先求夏日涼
鑿池容衆水栽竹斷斜陽
官是三年滿身無一事忙
不知何補報安坐恐難當

會景軒

此中非一景欲狀固難名
江近秋陰早山多曉氣清
斷雲分樹泊飢鶴下田行
別擬深更至處空看月明

和朱子發韻兼簡青龍諸友二首

巷南與巷北相去路無多以我常孤坐勞君數見過望
山嫌夕靄聽雨想春波稍俟清明日相攜一醉歌

雖說京華住西湖豈不清病多妨野興貧甚損詩情挿
柳觀春意粘碑隔市聲松江幾間客日夕聽波鳴

桃花寺

舊有桃花樹人呼寺故名石幽秋鷺上灘遠夜僧聞汲
井連黃葉登臺散白雲燒丹勾漏令無處不逢君

送蔣節推赴岳陽

君山那可上四面是層波
此地風烟古前人賦咏多
征帆衝雁字官舍近漁歌
況爾修真者田仙必見過

大慈道

青苔生滿路人跡至應稀
小寺鳴鐘晚深林透日微
野花春後發山鳥澗中飛
或有相逢者多因採藥歸

送湯主簿

扶起堦前菊秋霖苦未休
更逢千里別早白一年頭
客

借程文看兒分賜服收還家有新興佳句入書郵

送潘景參赴利路帳幹

蜀道如天遠攜家難計程不從三峽過免聽幾猿聲
戍密野花少棧虛山雨鳴同年同寂寞此去子成名

水際

水際移居晚薰風綠滿汀密萍妨下釣高柳礙觀星
忙是僧相過閒惟雨可聽尋思非久計終憶自柴局

扶欄

強起扶欄立新寒陡見侵鐘聲諸寺曉柳蔭半池陰病
久方憑艾貧深或夢金湖邊好風日孤負幾登臨

葛翁小閣

樹色對疎櫺橫陳一片清微風楊葉下斜日竹稍明此
老無塵事雙姝亦道情客來憐素壁題句不題名

柳下書齋

轉曲認幽棲齋名壁上題柳遮船步水草出瓦溝泥養
靜拋書冊銷閒倚杖藜誰知鳳城外宛是武陵溪

贈陳宗之

四圍皆古今永日坐中心門對官河水簷依綠樹陰每
留名士飲屢索老夫吟最感書燒盡時容借檢尋

謝耕道犂春圖

春雨年年有良田歲歲無何因將此事須要畫為圖野
水寒初退平林綠半敷長謠謝沮溺未必予知吾

盧申之載酒舟中分韻得明字

閒人閒處住載酒荷高情小舍寧容客同舟却向城弄

花忘晝署憂穀念秋晴歸路雖無月銀河亦自明

十日

十日方過半何因便得還就令凡事易不及一身閒
種木憐官地登城憶自山苦吟無愛者寫在戶庭間

贈湯巾

黃金榜內人在刺忽相親怪得名差異吟來句極新
獨眠秋寺雨罕踏帝城塵何限高科客因容不重身

訪韓中止不遇題澗上

隔澗竹扉深蒼童引客尋雖然乖晤語猶得見園林野
蔓時妨步山蟬亦好吟石根泉數斗清冷應人心

龜峰寺

石路入青蓮來遊出偶然峰高秋月射巖裂野烟穿螢
冷粘梭上僧閒坐井邊虛堂留一宿宛似雁山眠

貴溪夜泊寄趙昌甫

蒼草占秋動逢秋早得歸本非為事迫不欲與心違波
淨孤螢度宵涼數葉飛遠懷高卧者微月閉松扉

送趙判官

三歲蓮華幕何曾仕者同開墻通野客分樹宿江鴻與
世如無味於民自有功神仙今已近不畏引帆風

春晚即事

一身來作吏白日算徒勞塵土侵衣重年光如鬢牢春
深禽語改溪路岸沙高柳下垂釣者吾今媿爾曹

沈洞主

案上陰符卷應逢驪母傳無言過永日不食度終年雲

覆燒丹竈花浮洗藥泉時聞有玄虎來禮洞門前

和鮑縣尉

留僧秋閣上身自伴僧閒漱齒臨寒水焚香對遠山野禽偷果去童子借經還餘興成詩句高題屋柱間

停帆

舟過稍人屋停帆去未能野梅皆是刺灘水不為冰里數訛難準官稱俗可憎欲登巖石坐有吏復無朋

嚴州瀟灑亭

高榭出禪關人家向下看千峰春隔霧數里夜聞灘偶
至因成宿前遊亦植寒州人多有詠何不見方干

喜徐道暉至

嗜茶身益瘦兼恐欲通仙近作詩全少閒成畫亦傳瀟
江風雪渡嶽石姓名鐫自接來消息朝朝問客船

小舟

小舟隨處去幽意日相親野草如荷葉輕鷗似逸人閒
思此湖水曾洗幾京塵甚欲營漁屋空處未有因

林逋墓下

梅花千樹白不是舊時村
傾我酤來酒
醉君仙去魂
短碑藤倚蔓
空塚竹行根
猶有歸來鶴
清時欲與論

寄徐縣丞

自爾為官去吾扉亦返關
池成逢夜雨
籬壞出秋山
歲事登禾稼
朝綱去草菅
題書寄漳水
專俟好詩還

示五峰僧

峰形如掌翠相環
頭白山僧引客看
積葉壞來泥徑滑

斜陽移去石橋寒近聞瀑布尋還遠
易得菖蒲採極難
問我一峰於此住與師相聚願辭官

答徐靈困

弊廬補葺雖勞力且得幽閒住此身
舊友誤稱吟筆長
諸親爭笑罷官貧近簷竹密妨巢雀
當戶花疎見路人
所慮久晴田事廢今聞高下雨皆勻

寄徐丞

病不窺園經一月更無人跡損青苔
池禽引子銜魚去

野蔓開花上竹來亦欲鬢毛休似雪爭如丹永只為灰
秋風昨夜吹寒雨有夢南遊到海迴

送爽上人抄化

冒寒獨向何方去為建靈山閣未能詩卷帶呈看疏客
藥爐留借共房僧夕陽岸上行枯葉瀑布巖前聽折水
事到有緣隨處處應回來金碧入雲層

陳待制湖樓

何處飛來縹緲中人間惟有畫圖同兩層簾幕垂無地

一片笙簫起半空
岩竹倒添秋水碧
渚蓮平接夕陽紅
遊人未達蒙莊旨
虛倚欄干面面通

送翁卷入山

已送山民歸舊廬
子今復去我何如
漸成老大難為別
早占清閒未是疎
小雨半畦春種藥
寒燈一盞夜修書
有人來問陶貞白
說與華陽何處居

呈蔣薛二友

中夜清寒入緼袍
一杯山茗當香醪
鳥飛竹葉霜初下

人立梅花月正高無愁自然心似水有營何止事如毛
春來擬約蕭閒伴重上天台看海濤

萬年寺

萬年山木有千年石路陰深到繚垣幾片閒雲誰是主
一條流水不知源土栽芍藥尤勝木僧說獼猴極畏猿
夜半空堂諸境寂微聞鐘梵亦成喧

暮春書懷寄翁十

帝里逢春雨不乾纔晴數日又春還桐花半落官河水

榆葉全遮客舍山未悔闊疎令事去最憐乏絕壞身閒
菖蒲九節今堪采思爾逍遙澗谷間

移居謝友人見過

賃得民居亦自清病身於此寄飄零筍從壞砌磚中出
山在鄰家樹上青有井極甘便試茗無花可挿任空餅
巷南巷北相知少感爾詩人遠扣扃

和人韻贈北山僧

又得相逢閒寺裏凡人多笑太無營誰知見事心先懶

未說尋幽足已輕二月春風添樹色一山夜雨失泉聲
謝師更作重眠約來往云消兩日晴

再遊北山和韻

或行或坐水邊亭處處春風戶不扃飛絮伴人衰鬢白
遠山學我道衣青迢迢更入烟霏去髣髴如曾夢寐經
恐是前生林處下晚年不飲至今醒

多景樓晚望

落日闌干與雁平往來疑有舊英靈潮生海口微茫白

麥秀淮南迤邐青
遠賈泊舟趨地利
老僧指甕說州形
殘風忽送吹營角
聲引邊愁不可聽

姑蘇臺作

何人可與話登臨
徙倚危闌日又沈
千古蒼茫青史夢
一年迢遞故鄉心
天無雨雪梅花早
地有波濤雁影深
為是夫差舊臺榭
愁來不敢越人吟

病起

身如瘦鶴已伶俜
一卧兼旬更有零
朝客偶知親送藥

野僧相保密持經力微尚覺衣裳重才退難微筆硯靈
惟有愛花心未足遍分黃菊插空鉶

簡孫正字

空齋兀兀難消日況入中年睡亦疎洗釜煮蔬留客飯
卷簾移菊看人鉏秋衣因病全更衲曉髮迎寒半脫梳
多謝貴交芸閣裏許令隨意借官書

借居湖上

出仕歸來貧似舊借園偶近畫橋居縱觀不用春攜酒

清坐何妨夜讀書
港小只通間客到
樹低多礙故人車
向時城裏緣塵土
久欲湖邊住歲餘

贈鄧漢卿

單獨一身長不定
亦無書卷得相隨
忙過人世當閒日
老遇朝廷用少時
衝雪自言行路苦
看松長恨買山遲
蕭蕭白髮寒燈下
寫就詩篇欲寄誰

孤山寒食

二月芳菲在水邊
旅人消困亦隨緣
晴舒蝶翅初勻粉

雨壓楊花未放綿有句自題閒處壁無錢難買貴時船
最憐隱者高眠地日日春風是筦絃

寄茅山溫尊師

幾度題詩寄入山不知何處得書看莓苔石上秋吟苦
星斗壇中夜拜寒鶴改新名呼未至碑逢斷刻打應難
憶師每欲尋師去芝朮栽成自可食

會宿再送子野

又承水部到貧家一度分攜髻易華自說印書春可寄

獨慚缺酒夜難賒眠遲古鼎銷殘火吟苦寒缸落細花
羸病不能親送別夢魂先立渡頭沙

京華病後

久在京華損道心故人誰與念升沈春樓卧病燕相伴
湖寺題詩僧為吟三月不逢家信至一莖新有髻絲侵
早知諫獵非時節只在中自養金

過弋陽

三月三番過弋陽吾生辛苦莫思量磨圓灘石幾年浪

丹盡江楓昨夜霜已算中途當度鵬更憐抵舍未為鄉
高眠舊有山中約只欠青驃道士方

題方興化瑩舍

晴簷方聽夜淋浪晚送儒臣別建章但欲有言扶國是
不嫌無計作身防輕舟過處猿頻斷舊宅開時菊正黃
心事對牀應細語得歸如此亦何妨

數日

數日秋風欺病夫盡吹黃葉下庭蕪林疎放得遙山出

又被雲遮一半無

玉清夜歸

巖前未有桂花開
觀裏閒尋道士來
微雨過時松路黑
野螢飛出照青苔

池上

朝來行藥向清池
池上秋深病不知
一樹木犀供夜雨
清香移在菊花枝

題四聖觀道士詩卷


一觀桃花紅似錦兩堤楊柳綠於雲遊人只是遊晴晝
烟雨朝昏盡屬君

再過吳公

江邊無處覓天隨又趁斜陽過渺瀰遠愛柳林霜後色
一如春至欲黃時

約客

黃梅時節家家雨青草池塘處處蛙有約不來過夜半
閒敲碁子落燈花



宋詩鈔卷八十四